



漕運全書卷之六

通漕運艘

歷年成案

一 順治二年十一月漕運總督

王文奎疏稱係不與回

民船以襄運務

矣但追運官不得攀累等

因 戶部請覆准行

一 順治三年七月漕運總督王文奎疏稱河南山東江

南三省歲額漕糧二百二十四萬八千餘石額派淮

五千二百四十二隻上江廠船六百四十八隻

一 廠船六百八十九隻分派載運其上下二廠為
數不多准廠額船居通漕強半今止存現船一千三
百八十餘隻缺額不啻三倍請歲造五百隻補造六
百隻需用料價於坑無等關銀內動支等因 戶
部議覆漕運需船

稅蘆課銀兩如有不足報

速造所用料價先動關

一 順治四年八月河南巡撫吳景道疏稱准 歲造補
造船一千一百隻尚未及三分之一擬令

州潁州鳳泗廬州滁河七道各分造六十
東河南三糧道各分造一百五十隻惟河
造船隻並無堪動錢糧請

戶部議覆變價

內動支

一 順治四年九月巡倉御史劉達題 戶部議覆運

漕船隻不論軍民運艘盡催回南以濟新運今倉臣
以民船苦累請令自便查漕船成造已多即有不足

可另行催運今歲催來民舡令其自便以免偏累

一順治四年九月巡倉御史劉達疏稱漕艘自受免以

及過淮過洪轉津抵壩數目理應前後合符如上年

過洪之數較過淮少舡四百餘隻及至催查皆以過

淮之後歸併大舡戶部請嗣後將受免原舡

并某處分載小舡及歸併大舡各數目分晰題報以

杜弊端等因 戶部議覆准行

一順治五年二月浙江巡撫蕭起元疏稱浙江曹舡一

千五百餘隻回廠者止一十三隻係何處延令河

臣查明指參嗣後起卸漕艘即有截留亦 合項限

票以便沿河催償稽查等因 戶部議覆准行

一順治五年八月山陝下餉侍郎王來用題 戶部

議覆撥漕運漢頃用小舡鄭襄之艘無幾應令江南

總督糧道覓舡督運赴襄秦省備舡迎運至需用水

脚動支正項

一順治六年七月江西巡撫朱延慶疏稱江西每年免

運米石需用漕舡除協運外尚該舡九百八十八隻
因兵火焚燬甚多請造舡五百隻等因 戶部議

覆江西漕舡逃散四方如天津餉道查出饒州等所
白糧舡三十一隻恐似此等藏匿者尚多自應設法
清查如或不敷再僱民舡濟運徐議打造

一順治七年三月江西巡撫朱廷慶題

戶部議覆

江西漕糧該撫以無舡載運并不設法遷改折殊
屬不合相應罰俸仍令作速僱舡裝載

一順治八年二月巡漕御史馮右京疏稱江南尚廣山

東舡戶陳文恒等不歸本幫攬載米石冒以水鄉饒

吉等衛清出各舡押歸賣放袁州所旂舡僱載商鹽

特參究治等因

戶部議覆陳文恒等令該督撫

嚴審究治并行各糧道及各關分司合力清查凡係

漕艘無令藏匿

一順治八年閏二月漕運總督吳惟華疏稱上年江省

議造舡隻因改粵餉止造過四十二隻尚該四百五

十八隻停工未造請將五年分半徵漕南二米折徵銀兩以作造船料價等因 戶部議覆准行

一順治八年八月湖廣巡撫遲日益疏稱楚省舊額漕艘八百二十六隻內運本省船六百一十四隻協運江西船二百一十二隻因兵寇焚擄缺船甚多請將收存七年分輕賚等銀留供造船一百二十餘隻至協運江西漕船令江右自行備造等因 戶部議覆准行

一順治八年九月漕運總督王文奎疏稱各衛漕船缺額甚多雖議補造若干錢糧無措查各省一項錢糧有隨運起存如漕折輕賚等銀俱係解京之數如行月三修并各廠造船料價及過江過湖六升七升米銀係照額徵給或有漕糧米折災折其所減行月等項應盡解准庫以供修造之用永著為例不得那動等因 戶部覆准遵行

一順治八年九月巡漕御史張中元疏稱江西原額漕

舡一千三隻湖廣協運舡二百一十二隻江南協運舡二百九十一隻因兵火焚燬以致缺舡難運請將正兌改兌米石分別折價以為造舡之需等因

戶部議覆缺額舡隻若以漕糧折徵抵造漕舡京糈何賴除協濟舡隻外其不足之舡應動何項錢糧令

總漕江西巡撫作速查明報部

一順治九年正月工部題稱漕糧歲輓額設運舡一萬

一百八十一隻因流寇焚燬數多除見運及補造過

淺民舡外尚缺舡三千餘隻請撥蘓松常鎮安慶五

府八年輕贖銀十四萬兩該年造舡五百隻又撥舡

料銀十四萬兩造舡五百隻其九年十年俱照此例

并造不出三年缺舡盡補等因 戶部議覆奉

旨造舡事例將九十兩年輕贖如數并留造舡濟用欽此

一順治九年四月戶部左侍郎王永吉疏稱順治三年

開創之初因運舡缺額議令催募民舡所需水脚江

南蘓松安廬并江浙等處每石自三錢以至三錢五

分不等揚州府原定二錢五分一石以十分為率月
糧耗米共奏五分動支輕賚三分有司設處二分續
奉

諭旨准動輕賚銀兩而各省總未撥給且運官串通衙蠹私
派里民各項名色費至數倍其從前未給輕賚銀兩
曾否扣留并有無重支之處應請究追至通漕現缺
舡三千餘隻即雇舡運米每石以三錢計算約費輕
賚銀三十萬兩若將缺舡每隻給銀三百兩責令買

補民舡前項輕賚銀兩便足買補民舡一千隻孰費
孰省併請酌議應造者給銀成造應買補者即動輕
賚買補等因 戶部等部議覆雇舡水脚奉

旨動用輕賚今運費既出民間其未給輕賚自應解部因何
從無扣解亦未報銷應令漕臣一併查明回奏至缺
額漕舡三千隻從前已令動支舡料等銀每年造舡
一千隻俟三年可盡數造完併令各督撫按經官員
殫心清理按期報完有因循滋弊者糾叅治罪

一順治九年十二月江寧巡撫周國佐疏稱江南等省
缺額漕船經巡漕御史張中元題定每年各發銀一
十四萬兩每年成造船一千隻蘓太鎮三衛上年該
造船三百三十六隻鎮江衛九年分應造船五十一
隻請將八九兩年民七存剩等銀并九年協濟存剩
及該衛貼運等銀留為打造不足者動支八年分改
折戒存行月與九年輕費銀兩補造並蘓松常鎮缺
額之船俱在准廠打造應行總漕勒限造完以濟新

運等因

戶部覆准遵行

一順治十年三月漕運總督王文奎疏稱先年清江水
部舊誌內開船限十年一造歷限不足者照年賠罰
今查舊條酌時參訂懸為章程俾通漕有所遵守舊
例每船料價銀一百二十二兩二錢六分九厘零經
運一年者舊賠銀一百一十兩四分二厘零今新例
每船料價銀二百八十三兩二錢七分三厘零經運
一年者應加罰該追賠銀二百五十四兩九錢四分

五厘零經運二年者舊賠銀九十七兩八錢一分五
厘零今加罰賠銀二百二十六兩六錢六分一厘零
經運三年者舊賠銀八十五兩五錢八分八厘零今
加罰賠銀一百九十八兩二錢九分一厘零經運四
年者舊賠銀七十三兩三錢六分一厘零今加罰賠
銀一百六十九兩九錢六分三厘零經運四年以上
並無追賠不足年第十物銀兩經運六年以下並無
舊追什物銀兩惟經運五年者舊賠銀一十五兩今

加罰賠銀三十四兩七錢五分一厘不足年第十物
銀八兩三錢二分七厘五毫舊什物銀三兩四錢經
運六年者舊賠銀一十五兩今加罰賠銀三十四兩
七錢五分一厘不足年第十物銀六兩六錢六分二
厘經運七年者舊賠銀一十兩今加罰賠銀二十三
兩一錢六分七厘不足年第十物銀四兩九錢九分
六厘五毫經運八年者舊賠銀一十兩今加罰賠銀
二十三兩一錢六分七厘不足年第十物銀三兩三

錢三分一厘經運九年十年舊例原無加罰今亦免
議等因 工部覆准遵行

一順治十年十一月總督倉場馬鳴珮等疏稱重艘凍
阻回空必遲新運勢難接濟宜令漕臣及各省糧道
有司查明凍阻缺舡數目設法催募遵例完兌開幫
按期過淮待冰泮趕催接運不得短價強催貽累地
方等因 戶部議覆准行

一順治十一年三月漕運總督沈文奎疏稱廠造漕舡
釘為一舡骨幹油為調和筋骨但釘出西省高販至
淮留買供漕近因產少價貴高本虧折以致不足供
用查順治三年定議漕規釘價尚賤每百斤僅三兩
六錢而現在時價賣至七兩有奇今議每百斤量增
八錢舊例桐油每百斤價銀七兩而現在時價賣至
十五兩有奇亦議每百斤量加銀三兩共歲增釘價
銀三千六百兩增油價銀二千三百五十兩自十年
補造為始于軍三小料銀內動支俟年豐價平仍照

往例等因 工部覆准遵行

一順治十一年五月漕運總督沈文奎疏稱去年舡多凍阻而今歲又值糧多所有輕賚不敷催募之需請半扣行月及戒存行月以充水脚等因 戶部議覆催募水脚先因分派有司及半扣^半各軍行月不無苦累是以題定全動輕賚仍令總漕將解部輕賚銀兩盡數催運如再不敷將各省衛所節年戒存行月并未完輕賚銀內通融給發

一順治十一年六月欽奉

恩詔內開漕舡缺額已准動用輕賚銀兩責令運官自催如日如有重派地畝擅拿民舡者有司運官俱聽該督撫究撫究叅重處欽此

一順治十二年六月漕運總督蔡士英疏稱各衛承造漕舡舊例僉選拮丁一名發厥額有底料鑽夫等銀並料銀外私貼賠累頗多臣請為編審幫貼之一法蓋衛丁貧苦者甚多必僉一人獨造勢必難支何如

合計通衛所舍餘開丁比照民丁事例行令各府清
軍同知按冊編審除領運旗丁外無分軍舍以十六
歲為成丁六十歲為除丁編立上中下三則上丁歲
納銀五錢中丁歲納銀三錢下丁歲納銀二錢每年
徵收貯官俟倉造之日將此項銀兩并打造屯丁一
同解廠如船多銀少儘數均攤又各衛積缺船隻在
在皆然年年僱募耗費帑金究非長策請于歲造補
造外再動支漕項錢糧增造千隻則通漕可無缺船

之虞但船多打造一時不及請將造船之銀分發各
省司道驗其堅好者估買足額等因 戶部議覆

按丁造船誠為善法但軍衛舍餘每多竄入各衙門
鑽克承舍並黃快屯丁經漕臣沈文奎題准一例倉
選今開丁應否徵銀應令總漕並各該督撫確議務
期有利無害據實奏請定奪至所請買船濟漕之處
查先經戶工二部撥給銀兩造船三千隻迄今尚未
造完何得又請買補况不敷船隻經臣部題准動用

輕費銀兩僱募不必候回空船隻務期如限過准相
應再行申飭其僱募船隻止僱十三年一年後不為

例

一順治十二年六月戶部題准僱船水脚動用輕費免

疏稱

扣行月但蘓松等府輕費銀兩皆為准廠造船之用

是以官旂缺船無輕費可動間有自行僱募者應令

總漕嚴提各屬未完輕費銀兩照題定水脚數目查

明某衙實缺船若干隻運官自僱若干隻應給水脚

若干兩扣就銀數彙交糧道並清冊帶解來京查照

各官到通米數以憑找給自本年後准造已完輕費

足用令總漕確查各衙缺船將准造新船照數補給

如不足者仍動輕費僱募不得令運官代僱借詞掛

欠等因題准遵行

一順治十二年六月總督倉場王永吉疏稱順治八年

戶工二部議定每年各撥銀一十四萬餘兩造船五

百隻八九十三年共撥銀八十四萬餘兩共造船三

千隻今造完舡一千六百六十隻尚有未造舡一千
三百四十隻現存銀一十四萬餘兩尚有未解輕贖
蘆課等項銀二十三萬餘兩臣思多造一舡使少僱
舡一隻現存之銀應勒限清江分司并各該道辦料
倉丁趨造其未解銀兩嚴提完解以濟急需至實缺
舡隻屢經奉

旨動用輕贖銀兩給發官丁自行僱運乃各該道府並不催
給責令各衛官丁捐僱以致軍民推諉兌運遲悞應

令漕臣通行但有缺舡即便請撥輕贖速發官丁照
數僱募如該道府屬原無額該輕贖及支給不敷者
即于該省輕贖總數內通融提補不得以新運抵通
僱舡水腳抵銷等因 戶部等部議覆缺額漕舡

既經撥銀廠造乃逾期三載尚有未造舡隻應令總
漕查明經營各官指叅重處仍作速勒限造完其十
二年以後僱募水腳聽該督于該省各年輕贖銀內
通融支給嗣後永不許抵算到通起欠仍詳查各衛

所舊管新收開除實在并催募舡隻造冊分報戶部
倉督查核至未解銀兩作速完解同現存銀兩勒限
補造如有違悞題參重處

一順治十二年八月巡倉御史王綱疏稱缺舡一項部
議准撥銀兩令其成造乃踰期三載尚有未造舡隻
請再加申飭勒限造完至催募民舡全在各糧道約
束官丁招徠舡戶平給僱價庶可少抒目前之急又
缺舡既多該管官未免苟且完局查舊例板厚四指

十板三釘造完將委官匠作姓名及打造年月刻鑿
舡尾該漕運衙門驗點先期損壞者仍追治監造員
役恐法久廢弛所當照例飭行至于未完各舡若責
一廠官役恐難猝辦查萬曆九年例曾于瓜儀設廠
分造又三十九年蘓松各府委清軍管糧府佐隨便
自造皆因缺積數多故為權宜救急之計等因
工部議覆清江廠督造未完各官應聽吏部議處仍
令漕臣查交代新官存廠物料應追未完舡隻嚴限

督責如期報完其打造年月姓名刻鑿舡尾以備查
考究治之處應照例飭行至歲額應造舡隻設廠分
造恐紛更悞運應仍令清江廠每歲如額造完報竣
一順治十二年九月總督倉場祝世應等疏稱漕規則
例南北各幫俱限二月內盡數過淮方無凍阻查本
年起運漕糧現屆七月已經過淮者竭力嚴催尚恐
不能刻期抵通其未過淮之舡今歲萬不能回空來
歲新漕所需舡隻應預為籌畫等因
戶部議覆

應令總漕將十二年輕費銀兩責令各州縣預徵解
交糧道酌量缺舡數目速行僱募民舡兌運仍照定
限過淮如歲內回空者派為尾幫亦照限期過淮其
次年回空者即令預為修舡以濟下運至今歲漕舡
准動輕費僱募之處後不為例

一順治十二年九月蘓松糧道陳啟泰題

戶部議

覆修舡一項補添蓬桅等物之費原有額設修舡銀
兩今運丁私貼未免苦累令總漕查照定例遵行遠

者查參重慶

一順治十二年十月浙江糧道吳崇宗疏稱今歲漕舡
季夏方離水次歲內定無回期請令倉場于天津以
北先儘尾幫河兌俾空艘早為南下可濟新運至運
丁修舡一項駕運二年者每隻額給銀二兩一錢五
分遞年漸次加增卽十年舊舡止給銀一十四兩一
錢五分年年賠費貧丁藉口稱難侵糧愈甚應請按
年增給等因 戶部覆查接運空舡業經題准動

支輕費先行催募起運至修舡料價原將減存行月
提貯准庫散給各軍以為修造之需應令漕臣將減
存行月糧銀悉行查出斟酌時值每舡量增銀若干
併將歷年收過減存銀兩支給若干存貯若干造冊

題報

一順治十三年三月漕運總督蔡士英疏稱湖廣原額
漕舡不足協運粵糧兌運愆期請造舡一百隻每隻
給銀二百五十兩于輕賣銀內動支等因 戶部

覆准遵行

一順治十三年三月漕運總督蔡士英疏稱准廠歲造額舡五百隻止緣東豫二省并江北各屬蠲免荒糧是以將直隸鳳陽江寧山東四廠原現派實運舡隻以十年為限每歲造十分之一該舡三百九十五隻共該漕規及釘油增價銀一十一萬六千餘兩今惟有杭蕪清江三閘銀五萬三千餘兩其各衛所軍三小料銀兩原奉題明釘油增價支用歷年蠲逋過半

而歲解僅登四分通盤約算尚缺正價五萬有奇務期照數速撥江南蘆課抵補方獲乘時興工乃可克濟冬兌又山東開墾荒地陞糧缺艘三百二十三隻目下現行催募兌運此係歲造之外又不得不請項預造等因工部覆准軍三小料原係漕造急需應着司道勒限嚴追所有不敷銀兩于蘆課項下撥給以濟漕造其釘油增價暫准一年仍將軍三小料銀兩節年蠲荒實徵數目確查報部

一順治十三年五月浙江巡撫秦世正疏稱浙省漕舡
料價官給額銀外旂丁賠累無出續經總漕蔡英士英
條議按丁貼俸今議殷實者食補領運其餘無分軍
舍以十六歲為成丁六十歲為除丁按冊編審每丁
額定銀四錢照依民丁事例責成清軍官限年編審
毋庸竄身衙門藉口營免至于另置民產止應通飭
州縣准免重派民丁其民產里役差徭仍應照產充
當不許私寄丁田等目 戶部議覆准行

一順治十三年閏五月江西巡撫郎廷佐疏稱總漕蔡
士英條議請編衛所舍餘閑丁納銀幫丁造冊一案
查江衛凋殘倍于他省軍丁之冊初議分為三則恐
消長騰那徒滋弊端今酌議每丁每年納銀二錢五
分永為定例等因 戶部覆准遵行

一順治十三年閏五月漕運總督蔡士英疏稱編審丁
銀充用底料貼俸之費除東省衛所並無閑丁宣州
新安二衛丁疲應免徵銀外其浙省閑丁每丁每年

納銀四錢江西開丁每丁每年納銀二錢五分江寧
省衛比照橫海衛屯丁出銀貼造今議每正糧一石
納銀三分共銀四千九百五十四兩零黃快缸差每
丁協濟銀五分共銀二千九百九十八兩零再清出
官倉運餘門操孝陵監局等開丁編為三等納銀江
中鳳北泗宿滁州等衛編銀二千九十一兩八錢徐
邳等衛輸銀二百一十五兩二錢淮安大河二衛輸
銀二百四十二兩七錢揚通等七衛納銀八百七十

三兩七錢壽州衛納銀九十九兩九錢安慶衛納銀
二十八兩五錢廬州六安二衛納銀二百五十八兩
一錢武平衛輸銀貼造責成清軍官編審按季徵收
此後有六十歲老丁應除十六歲幼丁應增五年編
審一次凡遇倉造既于此中動支為底料貼備如缸
多銀少儘數均攤等因 戶部覆准遵行

一順治十三年七月直隸巡撫董天機疏稱按丁造缸
一案查通州等衛無地錢丁勢無所出即天津等衛

僅存現運旂丁並無辦料旂丁舡隻似難與他省可
比等因 戶部覆准通津既無丁地錢糧貼造辦

料其不足舡隻應令總漕于廠造舡內撥給濟運

一順治十三年十月湖廣總督祖澤遠疏稱楚省漕舡
缺額請將腐朽舊舡一十九隻發廠配造每隻扣除

底板銀二十七兩外實該銀二百二十三兩于淺舡

銀內給發造完等因

戶部覆准遵行

一順治十三年十月漕運總督蔡士英疏稱江右額派

舡一千二百四十八隻內除新安衛協舡六十三隻

湖廣協舡一百八十二隻江西實該舡一千零三隻

今止有節年新造補造舡四百五十七隻尚缺舡五

百四十六隻已撥發料價補造舡二百五十隻尚缺

舡二百九十六隻嚴催江南八邦減存行月糧銀解

省或買或催如有不足另議設處等因 戶部覆

准缺額舡隻若每年催募徒費錢糧應將前項減存

銀兩及年額軍三民七等銀嚴催起解作速補造足

額

一順治十四年正月安慶巡撫秦世正疏稱總漕蔡士英條議按丁造船一款今議建陽衛每丁每歲加徵銀二錢八分共銀三百四十一兩八錢八分以供貼造等司 戶部覆准遵行

一順治十四年三月漕運總督蔡士英疏稱本年應歲造漕船三百九十五隻該銀一十一萬六千五百一十四兩零除前司交代料銀并杭蕪清江額存銀兩

及衛所軍三小料銀內濟用外尚缺額銀四萬六千二百餘兩仍請于蘆課數內撥發以濟漕造等因

工部議覆准行

一順治十四年八月總理吳庫禮總漕蔡士英疏稱各省衛所領兌糧米俱照糧數派定丁船惟東省增糧三萬四千六百有奇約需船八十六隻應于各衛減存數內增復但減存船數多係積缺除現存清出減存船二十五隻外尚缺船六十一隻請速撥料價償

造等因 戶部覆准成造漕船例有軍三民七并
減存行月等銀供用今東省所增新糧應需船隻仍
于額設銀內撥補成造

一順治十五年二月湖北巡撫季贊元疏稱湖北原額
漕船八百二十六隻祇因缺額僅用船三百八十七
隻其修造船隻三年小修五年大修七年成造每隻
談官價二百五十兩乃官役高下其手給發竟非原
數不得不私派幫貼嗣後莫若官修官造以甦軍困

查談衛原運若干見在若干除領運本丁免銀外其
餘一名之下約有幾戶幾丁盡數編審丁徭彙交談
衛過漕船應修之年即動支丁徭并額給造船官價
修造等因 戶部議覆准行

一順治十五年三月江西巡撫張朝璘疏稱江西運糧
有過江過湖之險漕船務須堅固始可久運查該省
每漕船一隻額銀二百八十三兩二錢七分零今議
隻半價銀造船一隻仍運隻半之糧在窮丁庶免一

半之賠而并載公帑又無分毫之損嗣後俱照此式
成造等因 戶部議覆准行

一順治十五年八月總理吳庫禮總漕亢得時疏稱順
治十六年起運十五年漕糧浙江江南江西山東河
南幫船俱照題定水次派發惟河南省先後陞料漕
糧共應派船四十三隻或撥料價攢造或照例動支
輕賚催募應請酌議此外各省或有新增漕糧查明
另報等因 戶部覆准河南省起運新陞糧米不

敷船隻仍動輕賚暫催一年嗣後各省如有新增漕
糧所需船隻應一例預為題請補造

一順治十五年十二月湖廣總督李蔭祖疏稱清編衛
所舍餘閑丁每丁徵銀二錢以為幫貼造船之需復
奉部議以浙省每丁概定四錢因何楚省止定二錢
今再加確議但查楚省疊經兵燹寔難與浙省一例
今酌徵二錢以充漕造俟各丁聚養再議加派等因

戶部覆准遵行

一順治十六年十月湖廣巡按李廷松疏稱明季舊設
荊州衛并左右二衛每衛原額漕船五十隻至嘉靖
年間將左衛官軍調赴安陸府守護陵寢所遺本衛
之船分加荊州衛^{荆州}衛輪年派運今既無陵寢守護
相應照舊撥歸以均勞逸惟該衛屯餉較多之數與
舍餘閑丁之銀應俟左衛旂軍領運之日派同荆右
二衛一例均納庶無偏累等因
戶部覆准遵行

行

一順治十七年四月漕運總督蔡士英疏稱清江廠成
造漕舡每隻大料木植銀一百五十三兩小料釘鐵
油麻以及工食雜項銀一百三十兩二錢七分四厘
今木價較常年稍賤遂計廠造大料每隻約減銀四
十五兩通計廠舡三百九十五隻可裁銀一萬七千
七百七十五兩倘後木價或貴另行奏請以足前額
再釘鐵麻油連年價貴又有篷桅等項以及各匠役
之工食出自小料均屬不敷議將裁剩大料銀內每

隻酌補數兩等因 工部議覆造船木賤自應如
數酌減至于釘油等項應令總漕備開應加細數速
議具題

一順治十七年十一月漕運總督蔡士英疏稱漕船大
料一項前經題明酌減惟小料各款物價消長不同
今查應減者如頭桅大桅櫓木三項每艘原定一十
九兩四錢三分零今減銀五兩黃麻每艘原定十四
兩八錢今減銀三兩其應增者如釘鉅每百斤原定

三兩六錢今加銀八錢桐油每百斤原定七兩今加
銀三兩共算應減應增僅不敷銀一千四百六十一
兩五錢請于大料節省銀內照數撥足至於鐵葉船
匠原派工食甚廉今于黃丁工食內扣銀三錢量補
鐵葉子皮條鋸木篋麻六行之內裁銀一兩四錢六
分補給船匠如此則通廠均平等因 工部議覆

准行

一順治十八年八月漕運總督蔡士英疏稱康熙元年

起運順治十八年漕糧所有安慶府并徐州各屬共
陞糧石該增船四隻業經照數派加至山東河南二
省除去歲陞糧應添船一百五隻今歲陞糧又該增
船二十六隻惟上運應添之船題請動用輕費僱募
經部覆止許^暫僱一年除今歲陞糧酌令每船洒帶外
尚缺船五隻再加上年缺船共有一百一十隻是打
造既乏料價即僱募亦無項可動今暫撥江南折漕
減船一百一十隻代運豫東兩省漕糧等因

工部覆准遵行

一康熙元年八月漕運總督林起龍疏稱豫東二省順
治十八年分新增陞糧缺船一百一十隻今康熙元
年陞糧較前更增所有缺船一百一十隻急請補造
毋悞新運等因 戶部等部覆准豫東二省新增
漕糧缺少船隻應行配造其所需料價于蘆課銀內
照數撥給

一康熙元年八月漕運總督林起龍疏稱清江廠歲造

漕船桐油價值仍應照舊外惟釘價一項向因騰貴
每百斤加至四兩四錢今產地稍平每百斤仍給銀
三兩六錢等因 工部議覆准行

一康熙元年八月江西巡撫董衛國疏稱起運漕糧約
用船一千二百五十五隻除順治十八年回空可用
船隻及新安楚省額協等船共六百三十六隻若以
一淺計算缺船二百二十四隻以淺半計算缺船二
百八十二隻或于楚中協外加協或將江南撤回八

幫船隻仍令協運庶江省漕務不悞等因 戶部

議覆江省缺舡除前撥江南留漕減舡一百六十六
隻應運外其不足之船應令總漕速查江南八幫及
楚省協運舡隻通融挽運再查江西前准補造漕船
每隻例止給銀二百八十三兩零今每隻給銀四百二
十四兩零其額外多給銀兩仍應照數補解

一康熙元年八月漕運總督林起龍題 戶部議覆
江西缺額船隻應將湖廣省并新宣安建等衛留漕

減舡暫為濟運至該省缺船先准撥料補造新船二百五十隻止缺船二百九十六隻復將江南協運江西減存行月糧銀并軍三民七銀兩補造足額今何復稱尚缺船四百餘隻應令總漕將額造補造各數并經管各官因何不行造完之處查明報部再臨清等衛應增船隻兌運在適當酌量裝運如嗣後再有陞糧早為題請補造

一康熙元年十月漕運總督林起龍題

戶部議覆

江西缺舡最多仍應速催協運毋可更議

一康熙二年正月江西巡撫董衛國疏稱江省缺舡循

照豫東二省之例于應領行月之中措催民船乃行月尚缺無款可動議請動支輕費等因 戶部議

覆江省缺舡已將江南減存行月并軍三民七銀兩撥給補造又撥江南減舡協運迄今不行補造又不聲明協舡曾否到次應令該撫將行月銀兩催募起運不得動用輕費并令江楚巡撫將協運舡隻作速

給發

一康熙二年六月江西巡撫董衛國疏稱江西全漕起運需舡甚多業經覓催民船兌運乃袁州一府缺舡居首而抗撓獨先將怠玩各官題參等因 戶部

議覆過淮例有定限今袁州府知府同知及衛弁各官不早僉丁補造又不設法催募怠玩之咎難辭相應交部議處

一康熙二年七月漕運總督林起龍疏稱襄江漂損船

三隻應動歲額淺舡錢糧照例配造其漂沒舡九隻

片板無存向無賠造之例請于隨漕項中動支補造

等因 戶部議覆該省造舡既有淺船錢糧動用

不便動支隨漕銀兩應令總漕該撫速行打造

一康熙二年十一月漕運總督林起龍疏稱江西浙江

江南等省順治十七十八兩年漕糧改折減存漕船

若無苦蓋必致損壞先經議請每舡看守軍丁月糧

于本省減存行月內支給但查從前減存之舡已經

出運二年似不便復議找給外尚有題留兵米以及
灰石減舡需丁看守嗣後照項約給等因 戶部

議覆江南浙江已將減存船隻裝運白糧江西漕船
緣每年缺額俱撥江楚減船協運因何又有減船苦
蓋其浙江江西吉安所屬並未支給惟蘇松糧道所
屬已經動支着速追解部至題留兵米及灰石二項
減舡無幾經管官應設法苦蓋令人看守不得復議
支給

一康熙三年二月漕運總督林起龍疏稱江楚漕舡有
長江鄱湖之險非巨艦不能利涉明季曾經改造每
多漂沒請嗣後將江西漕船照舊僉造等因 戶

部議覆准行

一康熙三年四月漕運總督林起龍疏稱清江廠歲造
漕船三百九十五隻所需料價將本年蕪杭等關額
徵供漕及上年餘剩銀兩合算尚不敷銀二萬餘兩
請于蘆課銀撥給等因 戶部議覆將蘆課銀內

撥發二萬兩速行採買濟造

一康熙三年七月漕運總督林起龍疏稱江西缺舡五百四十六隻准動准庫料價銀兩責令本省糧道造船二百五十隻尚少船二百九十六隻又動歲造額銀并每年江南協濟銀兩逐年加造節據該道造報止有見船四百五十餘隻將歲造補造湊成一冊其漂燬盜賣遺棄等船尚未追完亦并不查報請令江西巡撫就近嚴加查換等因

戶部覆准遵行并

令將該糧道疎^玩緣由題叅

一康熙三年九月漕運總督林起龍疏稱先准部議清江廠歲造漕船相應核減但查該廠所造船隻原照出運額船數目為定凡運船十隻每年成造一隻十年一造週而復始清江廠所轄各衛所出運船數計現在額船四千三十一隻四分每年應造四百三隻零今歲造船三百九十五隻較歲造額數尚少八隻一分再難核減至節年所造船隻每造一船廳官分

司驗明報總漕印烙方駕赴次該司差滿之日將任
造過漕船造冊奏銷每季填報循環某衛某旗領駕
姓名俱開在冊其限內火燬漂流過患損壞船隻奉
有加罰之例照依不足年限追賠其限滿損壞船隻
即以所拆舊船板片充作新船裡料標頭應用從無
扣銀之例如無舊船底板者即追旂丁底料銀五十
一兩買辦標頭裡料等因 戶部會同工部覆准
遵行

一康熙四年正月江西巡撫董衛國疏稱江西省南糧
折銀係每年湊抵料價併抵補屯糧荒缺原無餘剩
解部之款因從前未能按年造船故有存貯奉部議
令起解第康熙三年新運在即需船正殷存庫南折
仍請留存給發料價之需等因 戶部覆准遵行

一康熙四年二月浙江巡撫蔣國柱疏稱浙江省原額
漕船一千四百隻又嘉興所免運江南漕船四十一
隻其造船料價年限於順治九年遵照淮例每隻動

支銀二百八十三兩二錢七分三厘零每年應造船
一百四十隻再每年額該脩船銀兩第一年不給第
二年分該銀三兩一錢五分三年分該銀五兩三錢
八分四年分該銀八兩三錢五年分該銀九兩三錢
八分六年分該銀一十三兩五錢五分七年分該銀
一十三兩八分八年分該銀一十二兩一錢五分九
年分該銀一十四兩八錢三分十年分該銀一十四
兩一錢五分十一年起俱照十年分銀兩給發等因

戶部覆准成造及歲脩船隻動用銀兩歷年既
照定例給發毋庸再議至十年限滿之船嗣後必須
嚴查確實應造者打造應脩船者脩船將每年成造
脩船船隻若干查明造冊題報

一康熙四年三月漕運總督林起龍題 戶部會同

工部覆准清江廠打造漕船明年年間議令漕船聽
官軍從便成造往往侵費船隻不堪是以歸併清江
廠成造嗣後漕船不得責令運軍造運至十年改造

之船總漕務須親身嚴查委實不堪者方許改造再
向來間有過號旗船自行造買濟免赴廠領銀者當
際行禁止如有年限不足者追賠加罰銀兩報部所
有補造年滿船二百三十五隻之內恐有好船亦須
驗明方許補造如有存剩料物留充下年之用其歲
造補造除先撥料價外倘有不敷將見在蘆課撥銀
四萬兩備料成造餘催衛所軍三小料以資成造

一康熙四年六月江西巡撫董衛國疏稱江省漕船有

江湖之險非堅固不可利涉非千金不能成造每船
一隻運米一淺六七分不等與清江廠成造有間請
酌量加給料價等因 戶部覆准江西漕船係全
書刊定每隻給發料價銀二百八十三兩零不便加
給仍照舊例遵行

一康熙四年六月江西巡撫董衛國疏稱江省漕船內
有遺棄沉擱朽爛共船七十六隻俱非十年運滿之
艘照例按年應追料價共銀七千七百零兩見在嚴催

以資新造等因

戶部議覆前項銀兩速追解部

一康熙四年七月御史戈英疏稱漕運幫貼之害凡衛所軍戶有當年造船食解者有因人丁單寡或鄉愚無知當年不造船食解者每當食造之年衛所千戶帶領衙役及當年運糧軍戶坐幫貼單戶之家拿捉吊打勒索幫貼之費倍于正費及至回空比欠又復板扯不已等因

戶部議令總漕各督撫嚴行確

查禁止如仍有此弊即指名題參

一康熙四年七月江西巡撫董衛國疏稱江省漕船題定淺半給價淺半運糧嗣因併造併運雖利涉江湖然船大載重恐運河阻淺復經題定於順治十六年起俱如式一淺成造其所開每隻料價銀四百二十四兩零係順治十三四五年所造之船實非多給應請免追等因

戶部覆准遵行

一康熙四年八月漕運總督林起龍疏稱今年江西尾船不能依限到次部議將山東省改折漕船作速發

往江西濟運但查東省丁船原在北河平水往來江
湖器具百無一備勢必遲悞請令江西糧道全給缺
船行月催募裝運或動原運東糧淮安等衛減船行
月錢糧給發以為催船之需等因 戶部覆准遵
行

一康熙四年十月漕運總督林起龍題

戶部議覆

江南河南墜糧既可洒帶自應照例分洒山東省因
本年被災漕糧全折所有墜糧亦應折銀起解其湖

廣除應留米數外其餘米石酌定衛所船隻星速派
發至江西省缺船過多以後造船屯丁不食不解責
在府廳衛所解丁不造責在糧道兼政同知倘有料
價不敷查明請撥

一康熙四年十二月江西巡撫董衛國會同江寧巡撫

韓世琦題

戶部覆准江南八幫減存銀兩協解

江西以濟造解_船之需自順治十七年起至康熙二年

止應解江西銀兩今江南巡撫速查酌撥至康熙三

年四年係撥補有款之銀應速催協解孟嗣後應解
江西銀兩勒限江安糧道每年于十月內完解如有
遲悞該撫指名題參

一康熙五年二月江西巡撫董衛國疏稱故明舊例漕
船領運七年即為滿料今起運十年自是朽腐不堪
有變賣貼造者有拆取釘板幫助新造者又有窮丁
無力領料更造規避棄置未經拆變者若夫起運未
滿十年之船議以照年追回料價夫復何辭但各丁
五隻共該料價一十四萬七千九百七兩零除實撥
外尚缺銀五萬三千四百二十一兩零請撥龍江關
銀三萬兩蘆課銀二萬兩等因 工部會同戶部
覆准遵行

一康熙五年六月河道總督盧崇竣疏稱江西湖廣浙
江三省漕船因違式成造倍載票糧以致浮送艱難
查定例造船如有違式驗實指參嗣因江楚漕船有
長江鄱湖之險非巨艦不能利涉切以江湖之內如

風恬浪靜即小船可以無事倘遇暴風即大船亦所不免非關乎船之大小况船輕則喫水少而人力省過關易而抵通速船重則喫水多而牽輓艱過關難而前進遲一船淺閣阻壓通漕請將現在漕船照例裝載如有缺額食丁補造等因 戶部議覆應令各該督撫會同定議具題到日再議

一康熙五年十一月江寧巡撫韓世琦疏稱蘇州太倉鎮海三衛額船四百二隻該歲造四十隻二分應需

有故絕者有遠遁者有領運在北者實屬難追查順治十八年以前侵盜錢糧尚奉蠲免此項應追料價援例請豁等因 戶部議覆未滿漕船應追料價銀兩既係丁窮難追應遵

赦蠲免其滿料舊船仍令該撫估價濟造

一康熙五年四月漕運總督林起龍疏稱江西省額船一千三隻每年輪造一百隻三分共料價銀二萬八千四百六兩三錢零又領運屯丁一萬三十名軍伴

三十二名每名月糧折銀共該四萬八千二百九十
七兩六錢除此二款照額收支外並無造船屯丁每
名應給月糧銀四十八兩今每年造船一隻于經制
之外有私加造船月糧銀四十八兩每年混冒銀四
千八百餘兩等因 戶部議覆多給造船月糧銀

兩應逐年進完解部

一康熙五年四月漕運總督林起龍疏稱清江廠康熙
五年額造漕船三百九十五隻又補造船二百三十

工料除動支原編民七軍三銀兩外不敷銀二十八
百餘兩自康熙六年為始請動用輕費等因 戶

部覆准遵行

一康熙六年二月江寧巡撫韓世琦疏稱江南八幫減
存銀兩歲解江西協造銀八千四百九兩六錢零但
康熙元二兩年無項可解請動康熙六年地丁銀兩
撥補等因 戶部覆准遵行

一康熙六年二月兵科給事中吳國龍疏稱江右漕糧

遇淮遲悞皆由造船額設料價不能如期給發之故
請將司管漕船料價各官勒限考成等因 戶部
議覆江西漕船額給料價銀兩催徵各官如有未完
照例議處又江南八幫減存協濟江西造船銀兩勒
限于每年十月內完解應令該督撫嚴檄糧道依限
給發如有少給并遲延者指叅議處

一康熙六年二月江南總督卽廷佐疏稱先經總河盧
崇竣以江西糧船重大題請依式成造部覆令臣等

會議具題今查見運各船皆係巨艦概欲改小勢所
不能惟加載之數減去三百餘石由行河間可無膠
淺嗣後新運之船務折衷于江船淮式之間定其尺
寸至楚省見運糧船已依式成造等因 戶部議
覆准行

一康熙六年十月江西巡撫董衛國疏稱楚省舊協江
西漕船一百八十二隻奉部議仍歸楚省其江西不
敷之船令速行補造查江省額載額運比丁一萬三

十名編造漕船一千三隻每隻運米三百九十八石零
共運米三十九萬餘石惟查江省額米係五十萬八
千四百餘石除本省額徵船兌運米石外其江楚各
衛額設之船共協運米一十萬一千三百四十三石
零是楚省漕船一百八十二隻原係協運江省額造
之數今若停止協運另行添造其所需料價並運丁
行月現在無項可動難以造補或請另發別省軍船
協運江省或動輕資雇募裝載等因
戶部議覆

江西省漕糧除本省額船與新安衛協船載運外寔
缺船運米七萬五千九百餘石查此項米石已經載
運京口應令照例雇募裝運每石水腳銀一錢二分
於扣存楚省協船應支過湖銀兩并輕資銀內動支
一康熙七年五月漕運總督屈盡美咨稱東平所造船
月糧未奉支給該所造船歷年賠累今援德州等衛
南造月糧之例請支等因
戶部議覆准行

一康熙七年七月湖南巡撫周召南疏稱湖南省康熙

七年分應運漕米該船二百一十三隻岳州衛見在
船二十隻見在丁二百五十名尚缺船一百九十三
隻缺丁一千八百八十五名前項缺丁缺船或將湖
北之船協濟或別賜撥補等因 戶部議覆湖北
現船三百六十七隻除應用船三百一十八隻外尚
餘船四十九隻應令該撫裝運湖南漕米其餘不敷
船隻本年既經打造不及應將湖南七年餘剩米石
照六年抵給本省官俸役食兵餉至康熙九年起運

八年漕糧缺丁照數僉足缺船于節年隨漕銀內動
支造運

一康熙七年十月漕運總督屈盡美疏稱康熙七年分
湖北寔徵起運米石應用船二百六十三隻湖南起
運米石照所撥四十九隻裝載尚有餘剩船隻應否
仍令裝運湖南存餘漕米等因 戶部議覆湖南
漕米因船丁缺額故令餘米搭放俸餉今既有餘船
自應照餘船裝運如再有裝剩米石仍抵給俸餉

一康熙七年十一月漕運總督屈盡美等疏稱奉部議
各省打造漕船定例十年滿料但十年之外豈無可
用應作何加展再為酌議至各省打造料價有每船
需銀二百三十餘兩者有二百五十兩者有二百八
十餘兩者及十年運滿將舊船折銀抵造新船其片
板無存者各省或追底料銀二十七兩或三十八兩
或五十一兩數目多寡不齊相應酌定令臣等會議
具題今查各省年例從前有五年七年之限今已定

作十年滿料此亦再四酌定成規且舊船改造之日
許司造之官親加驗明如內有仍可加修再運一二
年者即于歲徵造船料價內量給加補銀兩仍令載
運照年扣算但亦不敢概為定例惟在臨時看驗至
各廠料價並應追底料銀兩各省原非一例皆就地
方時值酌定仍請照舊等因 戶部會同工部議

覆准行

一康熙八年二月偏沅巡撫周召南疏稱楚省原額漕

船八百二十六隻除協江右一百八十二隻外見存
船三百六十九隻計湖北湖南所運漕米數目相等則
領運漕船自應各半所有不敷另請補造至成造缺
船隻奉部於隨漕項下動支但節年隨漕銷算已盡
查湖廣尚有餘剩漕米四萬六百五十餘石不若暫
照時值五錢折價留為造船之用等因 戶部覆
准將楚省現在衛所丁船照米均派領運其成造缺
船料銀將餘剩漕米折價動用造冊報銷

一康熙八年三月江寧巡撫韓世琦疏稱鎮江衛前後
兩幫額船二百隻每年應造船二十隻歲編民七軍
三銀一千八百四十兩以每船應用工料計之十年
共造船六十五隻除永減船八隻可以不造又十年
限外有船十二隻可加修暫運寔缺船一百一十五
隻適年出運各丁募補無不賠累請動輕費補造等

因 戶部覆准輕費係解通之項未便動支應令
總漕該撫將淮庫內減存等銀撥給補造

一康熙八年四月河道總督楊茂勳奏稱江西船大遠式阻壓遲滯將來必致貽誤等因 戶部議覆江

西新造之船業經題定遵照准式成造應令總漕江西巡撫嚴飭該道務遵定例照數派丁如有仍前船重指名題奏

一康熙八年十月漕運總督屈盡美咨稱東平所缺額小料銀兩請將減存月糧抵給等因 戶部議覆

准行

一康熙八年十一月總督倉場噶代等咨稱通州左衛漕船係自行買補不給料價每年每隻向給修船銀二十兩九錢七分康熙七年准部咨此後天津等衛

照各省之例給發所有通州左衛修船銀兩可否照舊應請部示等因 戶部議覆通州左衛漕船既係自行買補不給料價其每年修船銀兩仍就照舊給發

一康熙九年正月漕運總督帥顏保咨稱順治十三年

前任總漕蔡士英題定按丁造船九各衛所編審清
出丁銀幫本衛運軍造船今濟寧等衛康熙六年編
審清出丁銀奉文一概充餉事屬互異仍請照舊幫
造船以濟運務等因 戶部議覆准行

一康熙九年閏二月偏沅巡撫盧震咨稱湖北見運旗
丁之外尚剩旗丁七百餘名自應移運湖南之米但
湖北剩丁必須早撥以濟新運至湖南應用漕船照
八年漕米計算除見運船一百三十三隻並岳州衛

見今補造船十隻尚應造船六十六隻等因 戶

部議覆湖北剩丁令該道速行僉撥其湖南造船除
見運補造外再應造船六十六隻應照寔用船數打
造

一康熙九年閏二月浙江巡撫范承謨咨稱漕規所載
造船漕船料價通漕七省各有不同蓋因地分遠近
價別低昂之異茲奉部查浙省脩船銀兩較江西之
例給銀太浮應行扣追但查浙省額給脩銀自新造

第二年起每船止給脩艙銀二兩加損銀一兩一錢五分逐年遞加至第十年亦止給脩艙銀一十三兩加損銀一兩一錢五分及查江西脩船之例二年船給銀三兩三年四年船給銀五兩五年起至十年給銀七兩是浙省脩艙銀數較江西已屬減少况浙省又經減船足運一船裝載船半有餘之糧船身寬大工料倍用請仍照各省舊例遵行至查浙江舊額淺船一千九百九十九隻每船原止運正耗米四百四

十餘石後永減船一百八十八隻至順治十二年丁船兩缺酌定寔運漕船一千四百隻歷年起運每缺數十餘隻又除抽運白糧船一百二十六隻外則所運漕船每船已裝七百餘石又嘉興所四十一隻歸入浙省共船一千四百四十一隻十年限滿改造每年應造新船一百四十四隻合運止造一百二十隻其有年滿可加修者督令修理再運今議自下運為始每歲造一百隻若年限未滿毀壞者責令運

下自行賠造買補出運限滿方許改造其年限已滿
查果不堪加修臨時于一百隻之外酌量加造數隻
但各船既令加修多逾年限而修船料價自必重費
額銀原數斷難議減議扣仍循舊例遵行等因 戶
部覆准遵行

一康熙九年閏二月江西巡撫董衛國題 戶部覆

准江西省造過滿料舊船二百三十八隻除給料價
銀兩外悉係旗丁措補較之廠造不同所有滿料舊

船免其估變

一康熙九年三月漕運總督帥顏保疏稱廬鳳淮揚等
府州採辦維艱仍赴淮廠成造其江寧省衛三十三

縣屬各衛并東陽清等衛所應造新船一切物料

幫歲造船隻議歸江寧龍江廠令管糧同知督造至
設廠之處查龍江廠原係造船處所基址見存毋庸
更議等因 工部覆准遵行

一康熙九年七月漕運總督帥顏保疏稱清江廠造船
事務需員管理查淮安三閘已奉歸併一閘難兼督

造之任淮海道向曾兼管廠造新奉改為淮揚道諸
事繁冗知府一員海防同知一員軍捕通判一員管
河同知二員各有地方河工之責止有船政同知管
東船廠漕造並無別事而廠造船事務應歸東廠船
政同知兼理至于提丁催課恐其呼應不靈應照例
詳報臣衙門督催發廠等因 工部覆准遵行

一康熙九年八月江寧巡撫馬祐疏稱蘓州太倉鎮海
三衛康熙九年應造限滿漕船三十九隻共該料價

銀一萬一千四十七兩零除額編民七軍三銀兩外
尚不敷銀二千四百八十五兩零于減存銀內動用
等因 戶部覆准遵行

一康熙九年八月總督倉場噶代等咨稱天津三衛康
熙元年買補漕船七隻于康熙四年起照例動支輕
賚每船給修船銀二十兩九錢七分今康熙三年買
補船一十二隻修船銀兩亦應照例按年支給等因

戶部覆准遵行

一康熙九年十一月湖廣巡撫林天擎疏稱奉部議該省有軍三造船銀兩一項從前因何不行編徵行令查明具題臣查該省衛所屯糧先經裁充兵餉是以全書由單內並未開載軍三款項歷年奏銷原冊在部可查等因 戶部議覆全書開載軍三造船銀

二千二百二十五兩零因先不起運故裁充兵餉今楚漕見在復運每年造船需銀此軍三銀兩自應照舊編徵為造船之用嗣後既有民七軍三料價銀兩

毋得將別項銀兩動用

一康熙十年正月江西巡撫董衛國題

戶部議覆

江西省每年該軍三造船料價銀六千五百餘兩既經該撫查明順治十七年以前統在荒缺之內併順

治十八年文盡無餘均毋庸議外其康熙元二兩年

造船銀兩既係給發官丁俸食行月等項應令查明

應徵應支各款造冊題報至康熙三年未完料價銀

兩自應將催徵各官題恭仍速催濟造其康熙四年

該餘造船^銀四千六百餘兩應催還款

一康熙十年二月江西巡撫董衛國疏稱京口歲需兵米仍于江西鄱陽等縣起運漕糧內截留動撥然江省軍船及新安衛協船悉供北運奉撥京口兵米應令均照舊例催募民船運交查催募水脚每石例給銀一錢二分共需銀一萬二千七百六十二兩三錢三分五厘零內除楚船應支江西通湖銀兩以充催用外尚缺銀九千七百四兩七錢零仍應照例子康

熙九年分漕米截留京口減存輕賣銀內照數動支等因
戶部覆准遵行

一康熙十年二月江西巡撫董衛國疏稱江省額船一千三隻因軍疲丁困無可僉造請將缺船料價解交清江廠成造于江省衛所僉丁駕運奉部議令總漕會同該撫妥確具題續據總漕帥顏保等覆稱江西漕船不便歸清江廠成造議以南昌等衛所滿號船隻仍照舊例在江省成造并将九江等衛所缺船料

價儘銀購辦成造新船不令屯丁賠累等因
部覆准遵行 戶

一康熙十年十一月總督倉場噶代等咨稱嘉興所丁
船原奉部文歸浙運白自康熙八年奉文將嘉所之
船照例歸入漕幫其白幫缺額即于兩浙各幫均抽
船三十六隻抵補運白之艘原無缺額將嘉興所丁
船仍留運漕其羨餘銀兩應照浙江例給發等因

戶部議覆准行

一康熙十年十二月漕運總督帥顏保咨稱江南蘄州
府屬六升水脚銀兩每年比全書少解銀八百八十
三兩零查蘄屬過江水脚一項每江北衛分領正免
正米一石編有水脚米六升折銀三分江南衛分例
無編派省衛領改免正米一石亦編水脚五分江北
衛分併江南各衛例不編派載在全書但查全書共
編銀一萬三千一百八十二兩六錢八分零係照先
年派免衛分編載之數年來領發漕單領免衛分與

先年全書開載兌糧衛分各屬俱已不同康熙五年
照漕車派兌米數寔用水脚銀一萬二千二百九十
九兩一錢一分零造入由單按照常吳長江峴五縣
兌糧數目編派自康熙五年起至十年分俱照寔用
數目徵解比照全書每年少編銀八百八十三兩四
錢六分零計六年共少編銀五千三百兩七錢九分
零節年內部查追此項銀兩原奉文于會計由單內
減編應否于太倉州康熙十一年分由單內補編起

解應聽部示等因

戶部覆准蕪州府歷年少解

六升米折銀五千三百兩零一分支給各衛漕舡修船
之需難以缺額應於康熙十一年由單內補編起解

一康熙十一年二月漕運總督卽顏保疏稱江西省
原額漕舡一千三隻運丁一萬三十名每名歲支月糧
九石六斗每石折銀五錢共銀四兩八錢此載在全
書額給之項其私加漕^造舡月糧銀每年四千八百餘
兩查歷年造有舡冊達部從前寔給過銀一萬二千

五百六十一兩零至領銀各丁亡徙寔多現在領運
之丁寔非當日領領^銀之入寔難清追援

赦蠲免等因

戶部覆准查造船冊內自順治七年至康

熙三年止共造過船八百九十二隻每隻濫給銀四十
八兩計共該銀四萬二千八百一十六兩何稱寔給
銀係一萬二千五百餘兩應查明報部至于領銀
各丁雖稱寔難清追但從前哈放各官何得每船額
外濫給應於違例濫給各官名下着追

一康熙十一年四月漕運總督帥顏保咨稱松江府造

舡料價銀兩每年編徵多寡不定奉部照全書數目

徵給查定例漕舡十年限滿每隻料銀二百八十三

兩二錢七分零在額編民七軍三二項徵解濟造松

江府屬金松二衛所額船四丁七隻全書開載民七

一項每年編徵銀四百九十一兩零係循照舊例三

年一造之額向未會計內原未編徵今康熙十年會

計久定難以復編請于十一年分會計內補編十年

之銀同十一年民七一併徵解其軍三款目全書向
來刊編每遇輪造之年在於該得所卡訂銀內給發
今議照十年一造之例每隻該用軍三銀八十四兩
九錢八分二厘零金松衛所訂每艘四十七隻共該銀
三千九百九十四兩一錢六分零仍照舊例在於該
衛所屯折兵餉銀內每年扣解銀三百九十九兩四
錢零以十年為率徵足前判定為軍三之額至于全
書編載民七原係照故明料價五年一造之額若共

每船二百八十三兩二錢有奇之價以十年計算止
得民七銀四千九百一十兩一錢六分零尚多缺額
自當隨時詳酌以期無悞等因 戶部議覆准行

一康熙十一年四月漕運總督帥顏保疏稱各衛所領
運漕船例限十年滿號赴廠拆造如十年之內遇有
漂流火燬等項例追加罰還廠以充料價查順治十
七年間經前總漕蔡士英議于二百八十三兩二錢
零料價之內減去四十八兩五錢每船止餘銀二百

三十四兩七錢零但料價既減則各年賠罰銀數亦當議減再每船于二百三十四兩七錢零又暫減價銀十兩四錢因目前木植稍平量為酌減不過一時權宜日後木植湧貴難以再減應仍照二百三十四兩七錢七分零所定每年賠罰銀數纂入會典等因工部議覆造船料價既經減去其賠罰銀內自應照減數造冊報部并纂入會典遵行

一康熙十一年七月浙江巡撫范承謨咨稱浙省漕船

向例歲造新船一百四十隻後以前議止造船一百隻連年新船造少舊船不堪加修應將十一年漕船仍循舊例新造一百四十隻等因 戶部議覆准行

一康熙十六年五月漕運總督卞瑄保咨 戶部議

覆豫東二省十五年分漕糧改折業經總漕咨報停造漕船應令將料價銀兩速行扣完報 充餉并通行各該督撫嗣後漕糧起運處所歲造漕船務將應

造船數預行咨部核定文到之日始行給銀成造如
有未經奉文之先私自給銀成造亦該管官行
名題叅

一康熙十八年三月戶部疏稱浙江漕船料價舊例每
隻給銀二百八十三兩二錢七分零經總漕帥顏保
每隻減銀二十兩四錢零今查浙省與江省無異
江省新宣等衛所每船俱減銀七十餘兩應令總漕
將江省漕船照新宣等衛所船隻料價減造數目題

報等因題准遵行

一康熙十八年十二月帶管曹務靳輔題為請裁江南
協運山東漕艘責成東省幫船二運等事一書奉

旨着江南巡撫山東巡撫總河會同確議具奏欽此續據該

撫等會題

戶部覆准東省省糧若照前議一年

兩運倘遇水旱難以轉回今該督撫等議以德州等

衛所另僉艘艘丁自備船隻共為一二府八山五京旅一

自備船二百三十餘隻備完之日再議其現運漕糧

仍令江南船隻協運

一康熙十九年三月戶部疏稱現

船七千八

百餘隻每年應造船七百八十餘隻據工部咨

造船七十二隻每隻減銀三十一兩六錢六分臣部查

算每兩計減銀一錢五分一厘五毫零嗣後江南浙

江江西湖廣等省新造船價應令總漕各該

遵照等因題准遵行

書